

Sarkina Bt Mat Saad @ Shaari

From: UUM CORPORATE COMM.
Sent: Thursday, January 16, 2020 3:50 PM
To: UUM - All Staff; UUM - All Students
Subject: 240 PELAJAR BERENTAP DALAM PERTANDINGAN NEUROSAINS



UUM Corporate Comm.
Universiti Utara Malaysia

16 JANUARI 2020 / 20 JAMADILAWAL 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah

Gambar oleh: SEML

240 PELAJAR BERENTAP DALAM PERTANDINGAN NEUROSAINS



UUM ONLINE: Seramai 240 murid-murid berentap dalam Pertandingan Kuiz Neurosains Malaysian Brain Bee Challenge (MBBC) 2020 Peringkat Akhir Zon (A) (Brainbee@UUM) yang berlangsung di Dewan Tan Sri Othman, pagi tadi.

Mereka dari 38 buah sekolah menyertai pertandingan yang menguji pengetahuan para peserta mengenai otak manusia dari segi kebijaksanaan, emosi, ingatan, pendengaran serta kaitan penyakit seperti Alzheimer, Parkinson, Skizofrenia dan penyelidikan mengenai otak.

Antaranya, Sekolah Menengah Kebangsaan (SMK) Tunku Abdul Malik, SMK Sultanah Asma, SMK Agama Kedah, SMK Seri Mahawangsa, SMK Jitra, MRSM Pendang, MRSM Kubang Pasu, MRSM Arau dan Sekolah Menengah Sains Tuanku Syed Putra.

Taklimat MBBC 2019 disampaikan oleh Penasihat Persatuan Pendidik, Dr. Mat Rahimi Yusof yang mewakili Penyelaras MBBC Zone A serta Dekan Pusat Pengajian dan Bahasa Moden, Prof. Madya Dr. Fauziah Abdul Rahim. Taklimat diberikan seawal 8:30 pagi sejurus sebelum para pelajar menduduki Ujian MBBC 2019 yang berakhir pada jam 1:00 tengah hari.

Menurut Rahimi, penganjuran ini adalah salah satu langkah untuk memupuk minat pelajar sekolah dalam bidang sains khususnya neuro sains.

Tambahnya, Peringkat Akhir Zon (A) itu dikendalikan oleh SEML dengan kerjasama Jabatan Neurosains, Pusat Pengajian Sains Perubatan, Universiti Sains Malaysia, Kampus Kesihatan yang diselaraskan di UUM oleh Prof. Madya Dr. Fauziah Abdul Rahim sejak 2014 lagi.

“Bagi pemilihan tahun 2020 kita membuka peluang penyertaan kepada para pelajar sekolah menengah di wilayah utara Malaysia bagi zon A dan melibatkan beberapa zon diseluruh Malaysia.

“Seterusnya senarai peserta yang layak ke MBBC 2020 Peringkat Kebangsaan di USM Kubang Kerian, Kelantan pada Mac nanti akan diumumkan oleh pihak sekretariat MBBC@USM di laman web Jabatan Neurosains, Pusat Pengajian Sains Perubatan, USM,“ ujarnya.

Jelasnya, usaha ini dilakukan untuk mencari wakil Malaysia yang bakal mengharungi cabaran di peringkat dunia ke Pertandingan International BrainBee (IBB) 2020 yang akan berlangsung di Washington DC. USA pada Ogos 2020.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.